

Xander Bogaerts a contribui cu 2 hit y 1 careda anota, den triunfo di Boston Red Sox



ST. LOUIS: Dialuna anochi Boston Red Sox a logra un triunfo importante di 3-1 riba St. Louis Cardinals, pa duna nan un ventaha di 3-2 den e World Series.

David Ortiz a sigui na candela cu 3 hit den 4 turno.

Den prome inning di wega caba Ortiz a bati un doblete pa impulsa Dustin Pedroia, pa Red Sox bay dilanti 1-0.

Ortiz actualmente tin 11 hit den 15 turno den World Series(.733).

Cardinals a empata e wega atravez di un homerun di Matt Holliday.

Xander Bogaerts tabata tin un anochi productivo pa Red Sox.

El a bay di 2-4 y den di 7 inning el a anota e careda pa Red Sox bay ariba 2-1,

despues di un doblete di David Ross.

El a hasi un bunita hugada tambe na tercera base.

John Lester tabata tremendo riba monticulo pa Boston.

El a tira 7 inning y 2 tercio, den cual el a permiti 4 hit y 1 careda.

El a poncha 7 bateador, sin permiti un base por bola.